

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Caput VI. Quid agendum post Missam.

urn:nbn:de:hbz:466:1-10805

non cognovit! In propria venit, & sui eum non re-cepunt: ne & haec forsitan in te locum habeant, quod ne contingat, Deum precaberis & timebis. In ultimis denique verbis attendes, quod dicitur, Dedit eis potestatem Filios Dei fieri, & hoc in te adimpleri rogabis: & quia verbum divinum plenum est gratiae & veritatis, ex hac plenitudine ubertim haurire satages, quicquid tibi ad salutem & perfectionem est necessarium.

CAPUT VI.

Quid agendum post Missam.

§. I.

Discessus Sacerdotis ab Altari, & quadam exercitia post Missam.

Quia finis bonorum operum debet esse gratiarum actio, ab Altari post sacram discessurus Canticum incipit trium puerorum, quo ad gratias pro tanto beneficio Deo agendas omnes creature invitas. Ipsum itaque recitas dum pergis in sacristiam, dum te sacris vestibus exuis, omni possibili devotione atque ardentissimo affectu Deum benedicendi & super-exaltandi propter ipsius infinitam bonitatem. Quo absoluто in persona Ecclesie, quas illo concludi sacrificium praecepit, in locum te recipies ab omni strepitu & distractione remotum, in quo clauso ostio cordis tui, ceterisque cogitationibus exclusis, soli Deo vacabis, nec ab eo recedes, donec benedixerit tibi. Sunt quadam orationes variis affectibus plene, post Missam recitandas, quas Sancti Doctores Thomas & Bonaventura componerunt. Has si devotè & sedatè recitaveris, ponderatis verbis & sensibus, non erunt inutiles & infructuosae. At si eas celeriter percurris, ut nonnulli solent, statimque recesseris, nullā protracta cum Christo morā, vide & considera, quām plenē tuæ conscientiae satisfacias. Nullum certè pietatis sensum habere convincitur, qui non libenter cum Deo manet. Nec valent praetextus negotiorum vel studii, quibus se tepidi excusant: quod enim gravius & utilius negotium, quām de anima salute cum Deo tractare? Vel quid possunt docere libri, quod non Deus praeiens melius doceat? Sicut igitur post prandium necessaria est quies à negotiis & laboribus, ut nativus

calor cibum subigat, & in substantiam alimenti convertat; ita post hoc convivium quies requiritur ab externis & humanis occupationibus, ut divinum Sacramentum vim suam & virtutem in animam diffundar.

Et primò quidem diversarum virtutum actus elicies: *Fidei*, confitendo Christum a te susceptum esse verè Deum & hominem, cuius divinitati & humanitati ea omnia convenient, quæ credit & docet Ecclesia. *Spīi*, sperando ab eo multa bona naturæ, gratiæ, & gloriæ. *Charitatis*, elicito erga illum ferventissimo amoris affectu: gaudendo quod ejus Divinitas tantæ sit eminentiæ, ut nullo modo comprehendendi possit; dolendo quod tot peccata contra illum & tu olim commiseris, & passim committantur. *Humilitatis*, considerando quis veenerit, & ad quem; ponderando magnitudinem hujus beneficii, attentis peccatis tuis præteritis, statu præsenti, & perfectissimo gradu vitæ spiritualis, ad quem tendere debes, & à quo adhuc longissime distas. *Desiderij & Zeli*, optando ut cessent peccata, impi convertantur, justi multiplicentur & proficiant, & Deus ab omnibus glorificetur.

Deinde quinque sensus internos animæ circa Dominum prælentem exercebis. Et primò inspice illum in te, ejus majestatem, & splendorem, manusque, pedes, & latus cum quinque splendidissimis vulneribus: aspice quod ipse sit Deus, splendor paternæ gloriæ, & figura substantiæ ejus, tam excellentis pulchritudinis, ut omnes ipsum videntes beatos faciat. Conice affectus nunc reverentiae & humilitatis avertens oculos à confectu tantæ Majestatis: mox gaudii & exultationis: tum laudis, & gratiarum actionis. 2. Audi quid loquatur in te, & disce ab eo veram morum emendationem, & veras virtutes. 3. Percipe odorem virtutum ejus & post eum curre, atque illum imitare: considera quoque, quanta sit fragrantia oblati Sacrificii, quod suavissime olet æterno Patri. 4. Gusta quām suavis sit Dominus, & dulcissimo convivio corporis & sanguinis ejus recreatus, propone mundi vilissimos cibos nunquam amplius degustare: cumque ipse sit summa jucunditas, statue de cætero non affici erga aliquam creaturam. 5. Tange eum, & ora ut perlungat cor tuum & omnia interiora tua, & virtus de ipso exeat ad sanandum & vivificantum quidquid morbidum & vitiosum in te repererit: Pete etiam humiliter osculum ejus & dic cum sponsa, *Osculetur me oculu oris suis;* & suspira ad intimam cum ipso unionem. *Oscula quoque*.

D d 3, quoque

quoque spiritualia figes pedibus, manibusque transfixis, & cæteris membris, quæ gravioribus tui causâ doloribus & vulneribus excruciatæ furent.

His demum alia exercitia adjunges, vel quæ infra describuntur, vel quæ tibi devotione suggesterit; quibus peractis, singulari curâ cor tuum & sensus custodire fatigas, tantam Dei dignationem crebrò per diem in memoriam revocabis, piis affectibus & aspirationibus acceptam gratiam conservabis, atque in omnibus te ita geres, ut in Christum, quem suscepisti, omnino transformatus videaris, virtutum ipsius imitatione, morum gravitate, & rerum omnium abdicatione.

§ I L .

Actus Amoris post Missam.

AMo te, Domine Jesu, jucunditas mea & re-
quies mea; amo te summum & unicum bo-
num meum ex toto corde, ex tota mente, ex to-
ta anima, ex totis viribus meis: & si tu vides me
in hoc deficere, saltem desidero amare te: & si
fatis id non opto, saltem desidero id multum
desiderare. Succende, Domine, igne tuo ar-
dentissimo viscera mea; & quandoquidem non
nisi amorem petis à me, da quod jubes, & ju-
be quod vis. Nisi enim dederis mihi velle & per-
ficere, peribo utique in infirmitate mea. Sonet
vox tua in auribus meis, vox illa dulcissima &
efficacissima: Volo: nam si vis potes me mun-
dere & illuminare; potes me ad supremum amo-
ris gradum elevere. Sicut voluisti pro me pati &
mori, ita etiam velis ut appearat in me fructus
Passionis & mortis tue. Memento verbi tui
servo tuo, in quo mihi spem dedisti: Tu enim
dixisti, qui manducat meam carnem, & bibit
meum sanguinem, in me manet & ego in eo. O
dulcissimum verbum, tu in me & ego in te! ô
quantus amor, tu in me vilissimo peccatore, &
ego in te, Deus meus, cuius Majestas incom-
prehensibilis est! Unum est mihi necessarium,
& hoc soldam quæro, in te vivere, in te quiete-
cere, à te nunquam separari. Felix est, qui te
querit, felicior qui te possidet; felicissimus, qui
in hac possessione perseverat & moritur. O dies
infelices, quos turpiter transfigi diligens vani-
tatem, & recedens à te! Et nunc Domine, qui
venisti in hunc mundum, ut peccatores salvos
faceres, redime animam meam in sola fiducia
miserationum tuarum respirantem, & aufer à

me omnia amoris tui impedimenta. Procul sit à
me omnis terrena delectatio, nihil sapiat mihi, ni-
hil me alliciat nisi tu. Vive & regna semper in me,
fidelissime amator animæ meæ, in te enim sunt
omnia bona, & jam deinceps paratus sum om-
nia potius mala perpeti, quam ut unquam ces-
sem amare te. O corpus sacratissimum quinque
vulneribus sanctum, pone te ut signaculum
super cor meum, & imprime illi charicatem
tuam. Obsigna pedes meos, ut sequar vesti-
gia tua: obsigna manus, ut bona semper opera
exerceam: obsigna latus, ut ferventissimos amo-
ris tui actus proferam in æternum. O sanguis
preciosissime, qui omnem hominem abluit &
purificas, lava animam meam, & pone signum
in faciem meam, ut nullum præter te amatorem
admittam. O dulcedo cordis mei, & vita ani-
mæ meæ, sicut tu in Patre, & Pater in te es;
ita ego per gratiam tuam unus tecum sim amore
& voluntate: mihique mundus crucifixus sit,
& ego mundo. Amen.

§ III. .

Gratiarum Actio post Missam.

Gratias tibi ago, benignissime Deus, quod
me vilissimum peccatorem admittere digna-
tus sis ad vivificum tuæ mensæ convivium. Et
quis sum ego pulvis & cinis, ut apponeres erga
me cor tuum, inclinans Cœlos tuos & descenti-
dens, ut sanguine tuo purissimo fordes meas la-
vares, & deficientem præ fame animam meam
non Mannâ de Cœlo, sed carne tuâ immaculatâ
reficeres & satieres. Si Cœli Cœlorum te capere
non possunt, & Angeli non sunt mundi in con-
spectu tuo, quis ego sum, & quæ domus mea,
ut ad me venire, & indignis manibus meis con-
trectari, ac in me commorari volueris? Quid
in me invenisti, Rex tremendæ majestatis,
quod à Templo gloria tua traheret te, & de-
scendere faceret in abyssum miseriarum? Vos
Angeli sancti, Vos omnes electi Dei, venite,
audite, & narrabo vobis, quanta fecit Deus
animæ meæ: cum enim essem pauper & abo-
minabilis, nec auderem oculos meos levare ad
Cœlum præ multitudine iniquitatum mearum,
ille me de pulvere suscitavit, erexit de sterco-
re, ut federem cum Principibus & de mensa ejus
comederem omnibus diebus viræ meæ. Gratias
illi agite ex me vos amici mei fidelissimi: ego
enim puer sum non annis sed sensu, & nescio lo-
qui, nec verba invenio, quibus possim, ut par-
eſt,

est, tam copiosum munus gratiae extollere & praedicare. Quis enim amor infinitae charitati ejus à me reddi potest, qui frigus & gelu dici, non autem amor mereatur? Quæ laus, quæ adoratio, quale obsequium meum erit, quod nullum non reddat infinita ejus perfectio & dignitas; & ima ac summa indignitas mea? Sed tu Domine miserator & clemens, & immensæ bonitatis, tu nosti figuratum meum, nec despicias humiliam gratiarum actionem, quam tibi offero de paupertate mea, & sacrificium laudis meæ honorificabit te. Tua est magnificentia, tua est gloria, & tibi laus in perpetuas æternitatem pro tam excelso & incomparabili beneficio. Tibi laudes concinuant, tibi mecum gratias agant universi populi, tribus & lingue; omnes Angeli & Sancti tui, quoniam misericordia tua magnifica est super me, & miserationes tuæ super omnia opera tua. Jubilent tibi omnes creature, quæcumque Cœli, terræ, & abyssi ambitu continentur, & laudem tibi perpetuam dicant, quæ à te exiens in te refluat omnium rerum principium & finem. Jubilent tibi & gratias agant cor meum & anima mea, vires, sensus, potentiae, & omnia membra corporis mei: tibique soli sit honor & gloria, à quo, per quem, & in quo omnia: qui es Deus benedictus & laudabilis in sœcula sœculorum. Amen.

§. IV.

Oblatio post Missam.

Servus tuus ego sum, Domine Deus meus, & pro tributo servitutis meæ aliquid tibi offerre vellem, quod Majestate tuâ dignum & acceptabile foret: sed excedit omnem facultatem meam debitum meum, quia tantum tibi debeo, quanti tu vales, qui infinitus es. Et ex me quidem nihil possum, nihil sum: habeo tamen ex gratia tua donum præclarissimum, quod nullo modo recusare potes: habeo dilectissimum Filium tuum Dominum meum Jesum Christum, qui ita se mihi communicavit, ut ego in illo & ille in me sit. Quare verba Prophetæ tui aptissimè usurpabo & dicam: *Benedic anima mea Dominum, & omnia quæ intra me sunt. Nominis sancto ejus.* Ipse enim Filius tuus dignè pro me nominis tuo benedicet, teque amat & glorificabit, nam intra me sacramentaliter existens factus est unum tecum, & ego unum cum illo. Illum igitur offero tibi velut thymiana suavissimi odoris ad maximam tui gloriam & honorem, in gratia-

rum actionem pro universis beneficiis tuis; in remissionem peccatorum meorum & totius mundi, ad impetrandum mihi & omnibus, pro quibus oravi & orare debo, omnia subsidia vitæ temporalis & æternæ, & pro animabus omnium Fi- delium defunctorum. Suscipe, Domine, cum hac sacratissima oblatione animam meam, & corpus meum, omnes vires & affectus meos, ut sine perpetuum holocaustum jugiter ardens Majestatis tue. Praesta, ut deinceps nec membra, nec sensus, nec potentias, nec vitam habeam, nisi ut te amem, & serviam tibi. Tu sapientia mea, tu lux mea, tu fortitudo mea, & robur meum: doce me, illumina me, corroborata me, ut cognoscam & faciam voluntatem tuam. Offero tibi in servum perpetuum, meque totum resigno in beneplacitum tuum, abjecta de me omni curâ & solicitudine. Quidquid mihi evenire permiseris, à Divina manu tua amantissime suscipiam. In tempore & in æternitate id volo, quod tu ab æterno de me decrevisti, sive prosperum illud sit, sive adversum. Vivat semper, & regnet super me beneplacitum tuum, quod in omni verbo, actione, cogitatione, & levissimo quoque motu implere desidero. Domine ante te omnem desiderium meum, & genitus meus à te non est absconditus. Desunt enim mihi verba, quibus explicem affectum meum, sed projicio me in ardentiissimam fornacem amoris tui, quo succensus ad me venire dignatus es, & mansionem apud me facere. Succende me Domine, inflamma cor meum, viscera combure, ut jugiter tibi adest, in te vivam, & in te moriar. Amen.

§. V.

Petitiones post Missam.

Dulcissime amator, Domine Iesu Christe, qui me corpore tuo immaculato, & pretiosissimo sanguine refecisti, ignosce obsecro indignitati meæ, & quidquid deliqui in hujus Missæ celebrationi, misericorditer indulge. Agnosco enim & confiteor presumptionem meam, quia ad hoc tremendum mysterium accedere ausus sum sine debita præparatione, reverentia, humilitate, & charitate. Respice in me oculis misericordiæ tuæ, & supple excessu meritorum tuorum meam niemiam imperfectionem. Heu quoties venisti ad me, ut pauperrimam animam meam donis tuis locupletares? Ego autem contempsi te, & abii in regionem diffimilitudinis post praya desideria cordis mei. Cumque iniun-

liter.

Iliter dissipata omni substantia ad te nudus & fame consumptus reversus sum; tu suscepisti me, & omnium iniquitatum mearum oblitus es. Bonum mihi quod amasti me amore æterno & infinito: nisi enim infinita esset bonitas tua, nullo modo posses tolerare miseriam meam. Vincat igitur & absolveat bonitas tua malitiam meam. Riga me lacrymis, quas fudisti pro me; unge me myrram doloris tui, astringe vinculis, ablue sanguine, cruce erige, morte vivifica. Penetret amor tuus viscera mea, & omnem alienum amorem expellat. Abscedat phantasmatum multitudine, meque totum in te transforma, ut in te pereat omnis substantia mea, meque amplius non inveniam nisi in te. Imprime cordi meo amorem crucis & humilationis, qui, ut me redimeres, nec uno quidem momento sine cruce esse voluisti. Ne patiaris me sine fructu à te recedere, sed operare tecum mirabilia tua, sicut cum sanctis tuis operatus es: & fac me ambulare in fortitudine cibi istius usque ad montem perfectionis. Succende me ignitam vi amoris tui, ut sim tecum consummatus in unum, omnino abstractus à me ipso, & ab omni creatura. Omnibus quoque famulis tuis, pro quibus obtuli hoc Sacrificium, & pro quibus orare deboeo, seu tu rogari vis, da pacem, salutem, & tuam benedictionem. Converte miseros peccatores ad te, revoca haereticos atque Schismaticos, illumina infideles te ignorantibus. Adesto omnibus, qui in aliqua necessitate, & tribulatione constituti sunt. Esto propitus propinquis & benefactoribus meis. Miserere omnium adversantium mihi, vel qui me aliquam molestiam affecerunt. Succurre eis, qui se meis precibus commendarunt. Da vivam veniam & gratiam: Da Fidelibus Defunctis lucem & requiem sempiternam. Amen.

S. VI.

*Aspirations post Missam ad B. Virginem,
Angelos, & Santos.*

REspice in me, Gloriosissima Virgo Maria, quia dignum objectum oculorum tuorum nunc factus sum. Loquere pro me bona dilectissimo Filio tuo, qui me Corpore & Sanguine suo suavissime refecit, & offert ei merita tua in supplementum imperfectionis meae. Gratias age ei pro me, & impetrata mihi ut Sacramentali sua praesentia non discedat à me, nisi relinquat post se anima mea largissimam benedictionem.

Angeli sancti, ministri Dei altissimi, facientes verbum illius, aspicite Prinogenitum Patris æterni, quem introcuntem in orbem terrarum Iussum Patris adorastis, & facite me in eo spiritu & veritate illi servire, quā vos eidem in hac vita ministratis, & nunc in caelesti patria servitis.

Sancti Patriarchæ & Prophetæ, viri desideriorum, consilii secretorum Dei, intuemini promissum ab initio mundi Redemptorem, quem tanti ardenter desiderastis, & tanto tempore expectastis, nec videre potuistis: facite me toto affectu ad ipsum suspirare, ut reliquæ promissiones ejus fideles inveniantur, & sentiam promissos hujus Sacramenti effectus.

Apostoli Jesu Christi, ejusque Evangelii clarissimi Praedicatorum, aspicite in me ipsum dilectissimum magistrum vobis, quem tantoper dilexistis: & impetrare mihi, ut intimis visceribus ipsum super omnia amen, ejusque fervoris particeps siam, quem tunc experimentaliter gultastis, quando hoc cibo de manu ejus refecisti.

Invictissimi Martyres, Christum respicite crucifixum, pro cuius amore sanguinem vestrum tam liberenter fudiisti, ipsumque orate, ut me semper in cruce vivere & mori faciat, quatenus vicem quam possum ejus dilectioni rependam.

Beati Pontifices, dominici gregis pastores, Agnum cernite immaculatum, quem omnipotenti Deo in sacro altari toties immolasti; & vestris precibus facite me tanti sacrificii dignum ministrum, ut meipsum bonis operibus perpetuo immoleam tam sacræ oblationi associatum.

Servi fideles Christi, Sancti Monachi & Eremitæ, videte dulcissimum Dominum vestrum, pro quo omnia hujus mundi oublementa, & affectu & re ipsa reliquistis; & facite me pro ejusdem amore prospera mundi desplicere, nulla ejus adversa formidare, & ad fastigium sanctitatis quantocius pervenire.

Purissimæ Virgines, sponsum vestrum intuemini, cui cum summa exaltatione Virginitatem vestram consecratis, illibatam mihi mentis & corporis puritatem obtinet, ut hujus vitæ cursu peracto mundus ab omni labe in conspectu Domini merear præsentari.

Omnes Sancti & Sanctæ Dei, consolatio pauperum animæ meæ, vos præfertim patroni & protectores mei, aspicite magistrum, auctorem, & præmium sanctitatis vestræ, ac universam vestram felicitatem intra viscera mea manentem, mihique ab ipso, cui vos tantopere verbo & exempli.

exemplo in hac vita conformantis, vestris intercessionebus imperate, ut vestra semper vestigia sequar, & ut ad scopum mihi propositæ perfectionis, ac tandem plenus meritis ad vestrum merear consortium pervenire.

CONCLUSIO

Exercitiorum post Missam.

ANIMA Christi sanctifica me: Corpus Christi salva me: Sanguis Christi inebria me: Aqua lateris Christi lava me: Passio Christi conforta me: O bone Jesu exaudi me: Intratu vulnera absconde me: Ne permittas me separari à te: Ab hoste maligno defende me: In hora mortis meæ voca me: & jube me venire ad te: ut cum Sanctis tuis laudem te; In saecula saeculorum. Amen.

Recedo à te modicum, Domine Jesu, sed non sine te, consolatio, felicitas, & omne bonum animæ meæ, & me amplissimæ dilectioni tuæ cum omnibus fratribus, amicis & inimicis meis humillimè commendo. Ama nos, Domine, & transforma quām simillimè in te. Totus occuper in te, & propter te, nihilque sit objectum verborum actionumque mearum internarum & externarum, nisi tu amor meus. Qui vivis & regnas per omnia saecula saeculorum. Amen.

§. VII.

Cur multi ex frequenti celebratione non proficiant.

Cum multi sint Sacerdotes, qui frequenter, multi etiam qui quotidiè celebrant; & nihilominus hujus vivifici ac divini Sacramenti admirabiles fructus non percipiunt, necessarium procul dubio est tanti mali causas investigare. Unde enim in cura salutis tanta tepiditas, tanta in studio perfectionis negligentia; cum dicat Chrysothomus, oportere nos ab hac mensa recedere Daemonibus terribiles, & ignem omni ex parte spirantes? Si Deus noster ignis consumens est, venitque in terras suam ignem ferens, qui ardeat & omnium corda comburat, cur ipso intra nos recepto, nec frigus à nobis expellitur, nec ardorem ejus sentimus? Nonne mortis iudicium est, vel gravissimæ ægritudinis ignem habere in sinu, & omni calore destitui? Si olim non potuit coram Arca Domini statua Dagon subsistere,

sed statim corruit & contrita est: cur Christi praesentia amoris proprii tyrannice in anima dominantis Idolum non atterit & confingit? Cur tanta Christi demissio superbiae spiritum non elidit? Cur tanta ejus manu factudo iram non compescit? Cur tantus amor ad ejus sequenda vestigia non impellit? Effectus Eucharistiae sunt præservare à peccatis, augere gratiam, terrenorum odium infundere, ad aeternorum amorem mentem elevare, illuminare intellectum, succendere affectum, conferre animæ & corpori puritatem, conscientiæ pacem & lætitiam, atque inseparabilem cum Deo unionem. Plerique tamen post frequentem celebrationem his effectibus non fruuntur, ad quos nimis specat Aggei Prophetæ objurgatio dicentis, *Comeditis & non esitis satiati: bibistis & non esitis inebriati.* Defectus autem non in cibo & potu est, sed in prava edentis & bibentis dispositione. Et hæc prima tanti mali causa est, quia aliud comedimus, aliud esurimus: comedimus panem Angelorum, & immundorum animalium filios esurimus, detiores Israëlitæ, qui, dum manna comedenter in deserto, ad ollas Ægypti suspirabant. Quid igitur miramur, si fauces amaritudine infectæ mellis dulcedinem non percipiunt? Purganda est anima à delectationibus carnis & sensuum, à tepiditate, ab omnī affectu ad creaturem, ut possit divinum Sacramentum suos in ea effectus operari. Nam cor terrenis occupatum delectatio Sancta declinat, nec datur divina consolatio admittentibus aliam.

Altera causa est omisso necessariæ præparationis: plerique enim ad tantum ministerium accedere non verentur perfunctoriè, ex consuetudine, ex motivo humano, lucri potius quam devotionis causâ, non considerantes, quanti oneris sit vel semel celebrare. Cum vir Apostolici spiritus Johannes Avila quedam Sacerdotio paulò ante initiatum immaturâ morte decepisse audisset, statim quæsivit, num aliquando celebrasset: respondenti vero semel dumtaxat; Multum, inquit, deferet ante Judicem. Timere itaque oportet, quia nemo dignus Sacerdotio fungi, nemo hujus Sacramenti fructus percipere potest, nisi, quantum fert humana fragilitas, se ad illud disponat cù puritate, amore, & devotione, quæ supra à nobis explicatae sunt.

Tertia demum causa est, quia multi sacro peracto ad exteriora statim divertunt, nec sumpnunt ut Sacramentum suum in eis virtutem exerceat.

Ecce

III

Isti revera gratiam Dei in vacuum recipiunt, nec de mensa cœlesti fructum reportant: quia tantum Dominum ad se venientem indignè excipiunt, nec reverentur, aur gratias agunt, imò protinus ab eo recedunt ipsumque contristant, Majestatem ejus, & incomprehensibilem dignitatem parvi pendentes, nec advertentes quanta sit fœditas, vilitas, & miseria ipsorum, ad quos venire dignatus est. Quod si adhibitâ omni diligentia ad dignè & devotè celebrandum contingat, aliquem hujus convivii fructibus minimè perfrui, id admirabili sapientiae Dei adscribendum est, qui hoc permittit, ut suæ industriae non tribuat homo hoc gratiæ donum, sed cautè illud custodiat, & se illo semper indignum profiteatur.

C A P U T . VII.
Praxis celebrandi, cum quis prolixius orare non potest.

S. I.
De Preparatione.

QUAMVIS humana negotia diviniis functionibus nullo modo æquari, ne cum præferri debeant: quia tamen sunt aliqui Sacerdotes publicis utilitatibus inservientes, qui necessariis & inevitabilibus occupationibus ita aliquando detinentur, ut prolixius orare nequeant, brevem illis & expeditam proximè propnere necessarium duxi, quâ ut possint, cùm celebrare voluerint, ne minus dignè divinum sacrificium offerentes, ejus fructibus priventur. Hæc autem tria tempora complectitur, id quod Missam antecedit, id quo perficitur, & quod proximè subsequitur.

Ante Missam præmittenda præparatio duplex, remota & proxima. Pro remota hæc servanda. Vespere præcedenti cogitet, se die crastinâ hostiam salutarem omnipotenti Deo oblaturum, eiique cogitationi indormiat. Addat brevem aliquem affectum reverentiae, amoris, & desiderii. Sequenti die in eadem cogitatione & affectu evigilet; caveatque diligenter, ne animus ita se negotiis immerget, & ad externa dilabatur, ut, cum tempus celebrandi advenerit, ad se revocari & recolligi non possit. Proximè ante sacrum terrenis omnibus cogitationibus abjectis, omniq[ue] seposita rerum agendarum sollicitudine, mentem erigit ad cœlestia. Perpendat quâ devotione se sen-

tat ad celebrandum incitari, quo fine moveatur. Conscientiam excutiat, & si aliquam ei maculam inesse reprehenderit, Sacramentali confessione eluat cum intimo doloris sensu, & firmo proposito emendationis. Tum breve aliquod tempus sumat, quo fidem mysterii excitet, charitatem accendat, passionem Domini commemoraret, dirigat intentionem, & Dei opem sibi & aliis flagitet. Auxilium quoque B. Virginis & Sanctorum serventer & humiliter implorabit. Horum actuum & affectuum formulas suprà descripsimus c. 4. quas sibi quisque in brevissimas aspirationes redigere poterit pro suo capu & devotione.

S. II.

De Celebratione.

MISSÆ celebrationi tres comites adjunges, reverentiam, attentionem, & devotionem. Reverentia omnes motus exteriores componit, ut modestè graviterque fiant, præscriptis cærementiis exactissimè servatis, summâque adhibitâ humilitate, quæ omnino necessaria est Hostiam immaculatam offerenti in conpectu Dei & Angelorum. Attentio mentem coërcet, & iis quæ aguntur assigit, ne ad alia defluat & evagetur. Devotione voluntatem inflamat, ne languide & ex consuetudine sacra operetur, sed cum ingenti fervore, solerisque studio Deum placandi & colendi. Quia verò animus parvum tenax recti facile distrahitur, quibusdam quasi vinculis adstringi debet, & in se retineri, qualia sunt à me suprà proposita capite quinto, quæ ut ibidem notavi, brevitati Missæ nullum afferunt impedimentum. Sunt etiam aliqui, qui in septem veluti stationes Missam partiuuntur, ut in singulis congruos excitent affectus, & renoverent attentionem. Prima dicitur *Contritionis*, quæ ante gradus Altaris peragit, ubi Sacerdos tanquam reus se summi Judicis tribunal corde contrito præsentat, & generali confessione noxas expiat. Secunda *Glorificationis*, quæ Missæ introitu, Angelorum cantico, & reliquis usque ad Epistolam continetur. Tertia *Doctrinae* five instructionis, quæ Epistolam & Evangelium complectitur, monita scilicet salutis à Propheticis, ab Apostolis & ab ipso Christo nobis tradita, & cum ingenti reverentia suscipienda. Quarta *Fidei*, quæ Symbolo absolutur. Quinta *Oblationis*, Hostiæ salutaris oblationem continens, omniumque fidelium, pro quibus oramus & offerimus commemorationem.

Sexta

